



Broj: 01-62/18
Vareš, 28. 03. 2018. godine

Na osnovu člana 13. stav 2. alineja 5. i člana 35. stav 3. Zakona o principima lokalne samouprave u Federaciji BiH („Sl.novine Federacije BiH, broj: 49/06 i 51/09), člana 22. stav 2. Zakona o stvarnim pravima („Sl.novine Federacije BiH“, broj: 66/13 i 100/13), i člana 22. tačka 7. Statuta Općine Vareš – Prečišćen tekst, broj: 01-162/12 od 11.09.2012. godine, rješavajući po službenoj dužnosti, Općinsko vijeće Vareš, na 16. sjednici održanoj 28.03. 2018. godine, d o n o s i

R J E Š E N J E

- 1. Profesionalnom vatrogasnom vodu Vareš prestaje pravo korištenja, upravljanja i posjeda** na zemljištu društvene/državne svojine, kao gradskom građevinskom zemljištu upisanom u zemljišnim knjigama Općinskog suda u Visokom i katastru Općine Vareš, upisano u posjedovnom listu broj 174 k.o. Vareš.
- 2. Po pravosnažnosti rješenja, zemljišno–knjižni ured Općinskog suda Visoko i katastar Općine Vareš će brisati Profesionalni vatrogasni vod Vareš kao organa korištenja, upravljanja i posjednika zemljišta opisanog u tački 1. Rješenja, i upisati pravo vlasništva i posjeda u korist:**

OPĆINE VAREŠ sa 1/1 dijela

O b r a z l o ž e n j e

Ovaj organ je po službenoj dužnosti, pokrenuo postupak brisanja prava korištenja, upravljanja i posjeda na nekretninama upisanim na bivšem pravnom licu Profesionalni vatrogasni vod Vareš, kao nepostojećem licu, čiji je osnivač bila Općina Vareš, a čije nadležnosti su prenesene i čine organizacionu jedinicu Općine Vareš pod nazivom Služba za civilnu zaštitu.

Rješavanje imovinsko-pravnih odnosa na zemljištu pokrenuto je po službenoj dužnosti iz razloga što Općinski sud u Visokom radi na uspostavi zemljišnih knjiga. Upisana prava na nekretninama u zemljišnim knjigama i knjigama katastra moraju se usuglasiti, a upisi prava na istim urediti u skladu sa odredbama Zakona o građevinskom zemljištu i Zakona o stvarnim pravima i ne mogu biti upisana na obliku organizacije pravnog lica koje ne postoji.

Na osnovu utvrđenog činjeničnog stanja, a imajući u vidu da se radi o izgrađenom gradskom građevinskom zemljištu, kao društvenoj/državnoj svojini kojom upravlja i raspolaže Općina Vareš, a da su nekretnine iz tačke 1. dispozitiva Rješenja upisane u zemljišnim knjigama i knjigama katastra Općine Vareš, na Profesionalnom vatrogasnom vodu Vareš kao organu upravljanja, korištenja i posjeda, a čiji su poslovi u nadležnosti Službe civilne zaštite Općini Vareš, a da Općina kao subjekt javnog prava u skladu sa članom 6. Zakona o građevinskom zemljištu i Zakonom o stvarnim pravima, upravlja i raspolaže

gradskim građevinskim zemljištem na način i pod uslovima predviđenim zakonom i propisima donesenim na osnovu zakona, odlučeno je kao u izreci rješenja.

Ovo Rješenje predstavlja akt raspolaganja i protiv njega se ne može izjaviti žalba niti pokrenuti upravni spor.

**ZAMJENIK
PREDSJEDAVAJUĆEG
OPĆINSKOG VIJEĆA**

DOSTAVLJENO:

- 1 x Općinsko pravobranilaštvo
Vareš
- 1 x Zemljišno-knjižni ured
Općinskog suda u Visokom
- 1 x Katastar Općine Vareš
- 1 x U spis
- 1 x a.a.

Nikola Šimić